

## DŽ

### **DŽEMPER**

Isto kao i kod hermafrodita. Insistiram da ostajemo kod etimološkog pravopisa u svim dubioznim slučajevima. Prije svega: jumper ne izgovara se kao džemper, nego kao džömper, samo mnogo mekanije, kao kad bi se d vezalo sa sch i kad bi se izgovaralo dschömpfer, prema tome neka ostane jumper.

### **DŽEVDED-PAŠA**

Kao što je redigirano. Od 1849 ministar raznih resora, guverner, član komisije za reformu uprave i zakonodavstva, inspektor za reformu vojske u Bosni (1863-64), 1865 imenovan za službenog historičara.

### **DŽINGIS KAN**

Pišemo čitave romane o efemeridama. Osam redaka za Džingis Kana čini mi se premalo.

### **DŽIU-DŽICU (Jiu-jitsu)**

Ne vrijedi ništa. Japanska sistematizirana metoda fizičke borbe, koja se upotrebljava u odbrani bez oružja. Ta vrsta borbe bila je kroz vjekove kultivisana po starim carskim ratnicima Samurajima, feudalnom pendentu zapadnoevropskih vitezova. Danas je taj metod i način borbe vulgarizovan u Japanu i postao nacionalnim sportom. Sistemu je jedina svrha da dovede do pobjede vještinu borbe nad brutalnom snagom. I t.d. i. t.d.

### **DŽUNGLA**

Da se ne zaboravi džungla u moralnom smislu, kao fraza koja se svakodnevno upotrebljava.